

卷之八

畱侯世家

畱侯張良者其先韓人也。

正義曰。良字子房。按王符皇甫謐並

以爲韓之公族。姬姓也。

大父開地。相韓昭侯宣惠王襄

哀王。

大父。祖父。開地名。

父平。相釐王悼惠王。

系本作桓惠王。

悼惠王二十三年卒。卒二十歲。秦滅韓。良

年少。未宦事韓。韓破。良家僮三百人。弟死不

葬。悉以家財求客刺秦王。爲韓報仇。以大父

父五世相韓故。良嘗學禮淮陽。東見倉海君。

世家

如淳曰。秦郡縣無倉海。師古。得力士為鐵椎。日倉海君。當時賢者之號。

重百二十觔。秦皇帝東游。良與客狙。狙。服虔曰。狙。伺候。

也。七預反。索隱曰。謂如狙。擊秦皇帝博浪沙。狙。伺候。

中。地理記云。鄭陽。誤中副車。漢官儀。天子屬武縣有博浪沙。

秦皇帝大怒。大索天下。求賊甚急。為張良故

也。良乃更名姓。亡匿下邳。良嘗閒從容步游

下邳圯上。圯。橋也。東楚。謂之圯。音怡。有一老父。衣褐。至良

所。直墮其履圯下。直。猶故也。一曰正也。謂至良所。正墮其履也。顧

顧

謂良曰。孺子下取履。良愕然。欲歐之。歐。烏后反。爲

其老。彊忍下取履。父曰。履我。良業爲取履。因長跪履之。父以足受。笑而去。良殊大驚。隨目之。父去里所。復還曰。孺子可教也。後五日平明。與我會此。良因怪之。跪曰。諾。五日平明。良往。父已先在。怒曰。與老人期。後何也。去曰。後五日早會。五日雞鳴。良往。父又先在。復怒曰。後何也。去曰。後五日復早來。五日。良夜未半

往有頃。父亦來。喜曰。當如是。出一編書。曰。讀

此。則爲王者師矣。後十年興。十三年孺子見

我。濟北穀城山下黃石。卽我矣。

括地志云。穀城山在濟州。

東阿縣東。孔文祥曰。黃石公。鬚眉皆白狀。杖丹黎。履赤舄。遂去。無他言。不

復見。旦日視其書。乃太公兵法也。良因異之。

常習誦讀之。居下邳。爲任俠。項伯嘗殺人。從

良匿。後十年。陳涉等起兵。良亦聚少年百餘

人。景駒自立爲楚假王。在留。良欲往從之。道

遇沛公。沛公將數千人，畧地下邳西，遂屬焉。

沛公拜良爲厯將。

名官

良數以太公兵法說沛

公。沛公善之，常用其策。良爲他人言皆不省。

良曰：沛公殆天授，故遂從之。不去見景駒。及

沛公之薛，見項梁。項梁立楚懷王。良乃說項

梁曰：君已立楚後，而韓諸公子橫陽君成賢

可立爲王，益樹黨。項梁使良求韓成立，以爲

韓王，以良爲韓申徒。

即司徒

與韓王將千餘人。

西畧韓地。得數城。秦輒復取之。往來爲游兵。
潁川。沛公之從。雒陽南出轅轅。良引兵從沛
公。下韓十餘城。擊破楊熊軍。沛公乃令韓王
成畱守陽翟。與良俱南攻下宛。西入武關。沛
公欲以兵二萬人擊秦嶢下軍。嶢音堯良說曰。
秦兵尚彊。未可輕。臣聞其將屠者子。賈豎。易
動以利。願沛公且畱壁。使人先行。爲五萬人
具食。益爲張旗幟。諸山上爲疑兵。索隱曰。令幟音試。

酈食其

音力異飢

持重寶。啗秦將。秦將果畔。欲連

和。俱西襲咸陽。沛公欲聽之。良曰。此獨其將
欲畔耳。恐士卒不從。不從必危。不如因其解
擊之。沛公乃引兵擊秦軍。大破之。遂北至藍
田。再戰。秦兵竟敗。遂至咸陽。秦王子嬰降沛
公。沛公入秦宮。宮室帷帳狗馬重寶。婦女以
千數。意欲畱居之。樊噲諫沛公出舍。沛公不
聽。良曰。夫秦爲無道。故沛公得至此。夫爲天

下除殘賊。宜縞素爲資。

資。籍也。欲沛公反秦。奢泰。服儉素以爲籍。

也。

今始入秦。卽安其樂。此所謂助桀爲虐。且

忠言逆耳。利於行。毒藥苦口。利於病。願沛公

聽樊噲言。沛公乃還軍霸上。項羽至鴻門下。

欲擊沛公。項伯乃夜馳入沛公軍。私見張良。

欲與俱去。良曰。臣爲韓王送沛公。今事有急。

亡去不義。乃具以語沛公。沛公大驚曰。爲將

奈何。良曰。沛公誠欲倍項羽耶。

倍。背同。

沛公曰。

鯀生

服虔曰。鯀。小人也。

教我距關無內諸侯。秦地可

盡王。故聽之。良曰。沛公自度能却項羽乎。沛

公默然。良久曰。固不能也。今爲奈何。良乃固

要項伯。項伯見沛公。沛公與飲爲壽。結賓婚。

令項伯具言沛公不敢倍項羽。所以距關者。

備他盜也。及見項羽。後解語在項羽事中。

沛公。

至鴻門。項王留與飲。范增數目羽擊沛公。羽不
應。范增起出。召項莊。使請以劍舞。項伯亦
起舞。常以身翼蔽沛公。張良至軍門。見樊噲
曰。今者項莊拔劍舞。其意常在沛公也。噲直

入怒甚。羽壯之，賜以酒。噲因譙讓羽，有頃沛公起如廁，招樊噲出。從間道走軍，令張良留謝。良問曰：「大王來何操？」曰：「我持白璧一雙，欲獻項王；玉斗一雙，欲與亞父。會其怒，不敢獻。公爲我獻之。」良入謝曰：「沛公不勝杯杓，不能辭，謹使臣良奉白璧一雙，再拜獻大王足下。」玉斗一雙，再拜奉大將軍足下。項王曰：「沛公安在？」良曰：「聞大王有意督過之，脫身獨去，已至軍矣。」項王受璧，置座上。亞父受玉斗，置之地，拔劍撞而破之。曰：「唉！豎子不足與謀，奪項王天下者也。」漢元年正月，沛公爲漢王。王巴蜀必沛公也。漢王賜良金百鎰。服虔曰：二鎰。珠二斗。良具以獻項伯。漢王亦因令良厚遺項伯，使請漢中。

地。項王乃許之。遂得漢中地。漢王之國。良送

至褒中。

括地志云。褒谷在梁州褒城縣北。

遣良歸韓。良因說

漢王曰。王何不燒絕所過棧道。示天下無還

心。以固項王意。乃使良還行燒絕棧道。

師古曰。還。

謂歸還韓。且行且燒。也。良至韓。韓王成以良從

漢王故。項王不遣成之國。從與俱東。良說項

王曰。漢王燒絕棧道。無還心矣。乃以齊王田

榮反書告項王。項王以此無西憂漢心。而發

兵北擊齊。項王竟不肯遣韓王。乃以爲侯。又殺之彭城。良亡。閒行歸漢王。漢王亦已還定三秦矣。復以良爲成信侯。從東擊楚至彭城。漢敗而還。至下邑。漢王下馬踞鞍而問曰。吾欲捐關以東等弃之。誰可與共功者。良進曰。九江王黥布。楚梟將。梟。勇健也。與項王有郤。彭越與齊王田榮反梁地。此兩人可急使。而漢王之將。獨韓信可屬大事。當一面。卽欲捐之。捐

之此三人則楚可破也。漢王乃遣隨何說九江王布。而使人連彭越及魏王豹反。使韓信將兵擊之。因舉燕代齊趙。然卒破楚者。此三人力也。張良多病。未嘗特將也。常爲畫策臣。時時從漢王。漢三年。項羽急圍漢王滎陽。漢王恐憂。與酈食其謀撓楚權。撓。弱也。音女。教反。食其曰。昔湯伐桀。封其後於杞。武王伐紂。封其後於宋。今秦失德棄義。侵伐諸侯社稷。滅六國。

之後。使無立錐之地。陛下誠能復立六國。後世畢已受印。此其君臣百姓必皆戴陛下之德。莫不鄉風慕義。願爲臣妾。德義已行。陛下南鄉稱霸。楚必斂衽而朝。漢王曰。善。趣刻印。趣與先生因行佩之矣。佩。謂授與六國使帶也。食其未行。張良從外來謁。漢王方食。曰。子房前客有爲我計。撓楚權者。具以酈生語告於子房。曰。何如。良曰。誰爲陛下畫此計者。陛下事去矣。

漢王曰。何哉。張良對曰。臣請藉前箸爲大王

籌之。

求借所食之箸用指畫也。

曰。昔者湯伐桀而封其後

於杞者。度能制桀之死命也。今陛下能制項

籍之死命乎。曰。未能也。其不可一也。武王伐

紂。封其後於宋者。度能得紂之頭也。今陛下

能得項籍之頭乎。曰。未能也。其不可二也。武

王入殷。表商容之閭。釋箕子之拘。

一作

封比

干之墓。今陛下能封聖人之墓。表賢者之閭。

式智者之門乎。

師古曰。式亦表也。一說至其門而撫車式。所以敬之。

曰

未能也。其不可三也。發鉅橋之粟。散鹿臺之

錢。以賜貧窮。今陛下能散府庫以賜貧窮乎。

曰未能也。其不可四矣。殷事已畢。偃革爲軒。

革者。兵車。軒者。朱軒也。謂廢兵車而用乘車也。倒置干戈。覆以虎皮。

以示天下不復用兵。今陛下能偃武行文。不

復用兵乎。曰未能也。其不可五矣。休馬華山

之陽。示以無所爲。今陛下能休馬無所用乎。